

皇清文穎續編

皇清文頴續編卷首四十四

御製文

頌

十全紀實頌

謹序

天畀

皇清肇造區夏

五后創業守成開萬世之丕基洪惟

太上皇父陛下續承大寶久道化成六十年如一日

聖壽將躋九秩康強純固口理萬幾無異於昔時迺
以

御極之初告

天之詞紀元周甲不敢上同

聖祖用是

特頒慈諭於乾隆六十年歲次乙卯秋九月之三日

立臣爲皇太子聞

命之下五內戰兢懇陳孺私未蒙

俞允至乾隆六十一年丙辰之元日

御太和殿昇政於臣以臣之禱昧深懼弗克負荷顧

惟

詒謀典鉅不敢固辭欽惟

皇父行健不息悠久無疆尚祈

總攬熙績指示一切使臣得所稟承勉竭心力永永

遵循罔敢少懈仰瞻

敬

天

法

祖

勤政

愛民

文德

武功諸大端謹陳梗槩如右夫自古帝王莫不受

天明命而

皇父得

天獨厚實以

信

天之篤

敬

天之誠日引月長純一不已也六十年

南郊大祀及上辛

祈穀之禮孟夏

常雩之祭

必躬必親而雨暘之徵有呼吸之應禮器之備酌文

質之中

臣

恭繹

御製讀召誥文以誠民爲祈

天之本而蔽之以曷其奈何弗敬之一言惟恭則壽

理益明晰

敬

天之誠誠萬古所未有者也

繼

志述事是訓是行每晨

讀

五朝實錄時摘尤要者示

臣

等又

詔編輯

開國方畧特製薩爾滸書事之篇

諭立臥碑述

太宗守冠服騎射之寶訓

四詣

盛京緬創業之艱難

六幸江浙遵

仁祖之巡守欽惟

仁祖嘗謂我

皇父福過於

予鏤月開雲殿中之

旨

照鑒遂至於今日故紀

恩堂二記念淵源之有自告禩裔於無窮至於

推恩宗室復爵

賜秩之舉凡以率

舊章而啟成憲

法

祖之誠誠萬古所未有者也

經理庶政惟日孜孜未明求衣秉燭批牘軍機大臣

及內外臣工日蒙

召對博采衆議折中而施凡引

見官吏立判其能否至月選官甄別繁簡各當其材
矜慎庶獄寬嚴彰瘡無所容心於其間惟視其人之
自取而又不爲己甚故自初政以迄於今如

古稀說之八弊實無一近似者共躋皞皞之世咸樂
大同之風

勤政之誠誠萬古所未有者也凡此圖治皆本爲民

而

愛民之實惠益盡美善矣六十年中普免漕糧者三
錢糧者四偏隅偶歉蠲賑緩徵截漕平糶奏牘
方陳

愷澤卽布不使片刻停滯而嚴飭大吏督率務令周
徧毋致一夫失所又普免天下積欠至數千萬
近以

國慶復普免地丁錢糧蓋藏富於民有孚弗問而

巡省所至及河工海塘籌畫敷施九功惟敘黎庶戶

口歲增唐虞已還疇世比盛

愛民之誠誠萬古所未有者也

文德覃敷光被四表八開

恩榜再舉制科太學規制

經筵講章闢陋儒之淺說戒泥古於後人若井田封

建之必不可行

輯覽闡要之隨事發論諄復啟佑至深切矣輯四庫

全書爲七大部分貯七閣建文廟於承德設學
校於新疆而

萬幾之餘游藝翰墨

御製文三集詩五集炳若日星輝映冊府由此而行
至於萬億鴻篇卽立言以徵立德立功之實必
集大成如此而後爲

聖人之文也

武功於鏖赫聲濯靈開萬古未通之域成

兩朝未竟之

志平伊犁定回部靖金川降緬甸安南內附臺郡救
寧廓爾喀部効順修貢大功十全

德威震懾至若勦王倫洗蘇四十三翦田五猶以內
地小醜弗難其事近因苗匪不靖

命將統兵生擒首逆其他弗加征而自臣屬者則有
土爾扈特拔達克山安集延霍罕塔什罕布魯
特哈薩克諸部落焉良由

知幾如神洞燭萬里伏讀

御製開惑論遲速論及諸大功告成碑文仰窺

順

天者昌故屢舉非常之事而非窮黷之爲宜乎要荒

威格航海梯山而趨王會也況乎

御弓矢神鎗實邁倫等嘗

射鵠發廿矢中十九上蘭秋獮獐虎洞麋不可勝計

聖壽踰八旬乘馬啟蹕諸部落王拱扈驚喜

詰戎揚烈去逸服勞恪承

家法式廓版章必集大勲如此而後爲

聖人之武也

臣

何人斯獨承

恩命夙夜兢惶深念

御製爲君難之訓一切用人行政敬以

太上皇父之心爲心惟祈

皇父教之誨之事事得所遵守自此億齡篤祐錫羨

延祺

臣

率天下萬國臣民以天下養曷勝慶幸

謹以所夕記識罄慮摠忱爲頌九章以獻

皇清受

命建極宅中發祥長白我來自東

五后創守景福龐洪

九旬大聖壽宇攸同

一章

惟

天佑

聖惟

聖奉

天

南郊致祀

躬親必虔

聖祖

神孫一百廿年敬之一字萬禩心傳二章

冠服騎射

太宗著訓

敬守

先言

神謨廣運

留都啟緒

德敷威振土壁葛燈會元感奮

三章

日理萬幾不自暇逸旰食宵衣基命有密勵精克勤

孜孜猶日八弊永除庶民迪吉

四章

如保赤子

皇清文頌續編

卷首

頌

十一

心誠求之一夫不獲已溺已飢

敷惠萬億浹髓淪肌有孚弗問堯舜是師

五章

四庫既成七閣分貯新刻石經重排石鼓

幾餘染翰文三詩五奎壁光華嚮明斯覩

六章

赫聲濯靈疆闢二萬七德武成

十全功建順

天知幾罰罪賞善紱遠詰戎

大清國憲

七章

親見

七代五代同堂緝熙純嘏悠久無疆金甌永固

寶祚綿長仰侍

恩輝承訓

聖皇

八章

大廷

授受曠古隆儀夙夜凜若事事欽依以天下養弗祿

始基於萬斯年敬獻頌辭

九章

長春仙館頌

天地大德四時首春

聖人潛邸毓德養純隨安室名境順古香齋名道循

繼統立極廿五居尊叶

敬

天

法

祖

勤政

愛民六十餘載

帝德日新鴻稱

太上訓政頻頻顧予小子被澤醲醇

賜居福地肯構欽遵竹苞松茂斯千詩陳問

安侍膳定省昏晨承

歡膝下孝養

君親以

政爲政以

心爲心叶康強逢吉

福壽駢臻

九表百歲暨億兆旬耀煌煌仙館視此頌言叶

盛京頌

有序

我大清發祥長白開萬禩之丕基

太祖定都瀋陽肇億齡之景運

太宗繼統式廓

鴻猷

世祖入關燕京定鼎遂以盛京爲留都五部八旗敬

循成憲

聖祖三謁

珠邱

世宗曾奉

命往謁

皇考四詣陪京聿昭

誠悃癸卯秋巡

撫予小子及成親王慶郡王周歷川原展謁

陵寢

登實勝寺西閣敬觀

弓鉞

垂訓諄諄

莅清寧宮遍撫舊蹟艱難

祖業永守毋忘

垂涕泣而宣諭並示以祀

神幃幔不可更易

子臣

敬頌

訓言心欽誠服歲乙卯季秋三日

宣諭立儲敬悉癸卯秋巡

墓誌文卷之四
名臣列傳
三
默告

三陵迴思屢奉

恩諭益增悲戀之忱彌切捧盈之懼自

授璽親政以來已閱十載尚未躬謁

祖陵虔申孺慕今歲涓吉孟秋出關遵路敬謁

永陵次謁

福陵

昭陵至陪都典禮旣成臣民胥樂茲將旋蹕作頌八

章章八句用誌盛儀誕敷

先澤期予子孫永綏皇祚惠我無疆曷其有極頌曰
天佑皇清萬年景運

天命

天聰龍興迅奮一怒入關

宣昭義問艱哉守成欽承

考訓 一章

於鑠留都濟陽作邑久道化成旗民和輯我

考四臨湛恩遍及受璽承基星霜厯十

二章

歲建乙丑月惟仲秋上

陵典舉舊章率由興京駐轡展禮

珠邱水源木本世德作求

三章

三關言旋

二陵在望葱鬱松楸連延峯嶂祀事敬修於昭

鴻臚遂莅法宮聿陳仙仗

四章

門煥大清殿瞻崇政層樓迴標十亭相映正寢清寧

基福錫慶土壁葛燈起慕起敬

五章

祀

壇告

廟御殿詔宣蠲租免賦溥澤肆筵

冠服

弧矢奕葉敬傳引之勿替子孫慎旃

六章

世德舞陳洋洋濟濟巡典慶成布德修禮旋蹕京都

縈心舊邸臬應晨開康莊曉啟

七章

考賦盛京

天文研鍊閨澤渥施延洪

錫羨渺躬繼繩寸忱感戀

祖業常懷永承

昊眷

八章

箴

勤政箴

爲政在勤勤則不匱建極寰區凜承主器一日萬幾
曷敢暫置居敬開誠殫心撫字宵旰不遑永勵此志
誕告百揆敬共爾位亮采寅清竭忠盡智務抒大猷
毋憚小累致君澤民夙興夜寐一德咸孚欽明光被
勿耽晏安日就怠棄弼予一人勉圖邦治

八旗箴

皇清受

命撫有萬方白山毓秀闔門衍祥

躬率子弟基開瀋陽八旗布列有正有鑲千城禦侮
勲紀旂常

世祖入關定鼎帝闡爾田爾宅月賜銀糧不耕而食
不織而裳百有餘載

祖

考澤洋名臣勇將佐治騰驤賢才傑出文修武揚
列聖培養治具畢張惟予小子遵守不遑生齒日衆
間有莠良書箴誕告敬聽毋忘國語勤習騎射必強
尊君孝父警惰戒狂勿酣酒肆勿入賭場勿爭小忿
反致大傷勿廢銀米債負難償勿遊狹邪勿干憲章
乃祖乃父世德流芳胡爲暴棄甘蹈愚殃凡此數事
視若病瘍分置都統盡臣賢王殫心竭力協恭贊匡
代予敷教才智勿藏衆擎易舉共迪

前光涼承

考眷宵旰自穰期復舊俗永保无疆

虛受箴

君臨萬方大業荷負毓德有容集虛能受載物坤元
納汙含垢海蓄百川與天同久淵衷若谷大智不矜
內省洞達豈存愛憎衆善畢至採擇服膺轉圜納諫
常若勿勝守中不盈信之毋惑怡然保真寸田培植
樂聞忠言朝多正直自滿必傾賢路否塞愛諛拒諫
禍患日深中和達道養正養心化育黎庶暢觀古今
慎修思永操存自箴

易曰君子以虛受人傳曰善鈞從衆蓋一人之才
識豈能周知天下之事哉故蒐羅賢彥採擇羣言
以衆所知助已之不逮則上下交泰朝廷無不盡
之言君臣咨儆庶官無不修之政所謂聖人感人
心而天下和平矣若炫已之聰明是自蔽耳誇已
之才識是自欺耳雖寶有堯舜之聖亦必需皋夔
之佐惟堯舜能受皋夔之益惟皋夔能成堯舜之
治其本總在虛受方收實效旣作箴言併誌予意

銘

擬古銘四首

盤銘

成湯有訓德惟日新去瑕蕩垢不失其真春風融融
和藹無塵瞻彼睟然如見古人

几銘

圓動方靜幾几合德憑茲臨文撫茲飲食不匱惟勤
勿耽晏息大道坦坦欣無荆棘

杖銘

杖家杖國中年杖鄉不偏不倚扶老惟良遠避傾側
喜護安康不見鳩首文光煌煌

席銘

匡牀布席截長補短理得身安非求夢懶仲尼汲汲
終不暇煖逸淫勞思言非浮誕

擬敔器銘

滿羅虛鼓中正兼備先聖立法訓垂後世至理斯存
創製斯器敬告後人慎守精意毋怠毋荒毋暴毋棄
常持其平而安其易大公至正勿就危地勒銘長昭
魯廟永置

隨安室銘

天何言哉幹旋四時

聖人無爲日理萬幾五星七政默運潛移百寮庶尹
各凜所司衆心旣合孔修綱維有猷有守無隱無欺
素位定志義取諸隨因物付物心安則施返觀洞照
咸得其宜室建仙館

皇父題楣擘窠三字龍蟠鳳儀敬瞻堂構虔凜丕基
勉隨繼述思安慮危傳

心訓政蹈矩循規苞茂永慶深沐

恩慈銘中戴

德念茲在茲

刻漏銘

敬授人時語傳堯典小子繼繩敢不勤勉夜寐夙興
改過遷善用製漏蓮隨時輪轉範銅器成層層舒展
時刻杪分從無訛舛勝彼洋鐘奇巧迭演

皇考作銘恭誦淚泣守器毋忘

文思追緬不匱惟勤力行實踐

養心殿銘

心應庶事洞幾道鴻人君奉若敬體

昊穹紫禁西壁式瞻法宮養心題額外治內充我

祖我

考居此始終小子繼緒凜懼持躬曷敢遷座別創棟

隆於斯歡戚孫曾永同四壁

宸翰

照臨在空翼翼惴惴

福佑誠通聿瞻堂構樸儉是崇紬繹

庭訓心會性融

心銘

心統百體涵性立基聖狂趨向一念轉移功先慎獨
行無越思程子四勿楊震四知屏除妄想操存舍馳
靜分理欲動合措施承百王後作君作師守成由舊
蹈矩循規養正示則凜依綱維太虛皎日屢照不疲
欲屏外誘內省勿欺年臻知命道義未窺寸田培植
飽德若飴幾餘自述念茲在茲

碑文

裕陵聖德神功碑

洪惟我

皇考高宗純皇帝體乾知臨巍煥鑠人耳目深仁醲
澤浹民心於億萬年予小子曷敢規天極摹轍輪然
而親炙

提命哀慕罔極有切於臣民所見聞者不辭掛漏敬
用闡宥密揭綱條以昭信於奕禩敘曰

高宗法天隆運至誠先覺體元立極敷文奮武孝慈
神聖純皇帝

世宗敬天昌運建中表正文武英明寬仁信毅睿聖
大孝至誠憲皇帝之四子也

母孝聖慈宣康惠敦和誠徽敬天光聖憲皇后於康
熙辛卯八月十三日子刻誕育

聖躬生而神靈年十二隨

世宗初侍

聖祖宴於牡丹臺一見異之曰是福過於予厥秋扈
駕避暑山莊暨木蘭行圍

躬承

恩眷詳見

聖製紀

恩堂記於是灼然有太王貽孫之鑒而燕翼之志益
定年二十有五繼嗣大寶初政日新天下咸誦堯舜
復出善繼善述一念敬勤亘六十三年不息倍乾體

天合一

郊

廟必親庶徵克念曰雨曰暘惟動不應乾隆二十三年夏旱

爲文以雩曰嗚呼其惠雨乎步至

壇所讀祝未竟晨霞盡霄霖雨立沛自是有願必孚故自號曰信

天主人惟

祖

考啟佑陟降在庭每晨恭讀

五朝實錄追遠篤親覲揚光烈四詣盛京歲時上

諸陵發聲必哀蓋終身孺慕孝乎惟孝也事

孝聖憲皇后四十二年晨昏問侍扶掖

安輦極尊養之隆祝釐讓善至於終身以

古稀天子致戚盡禮有加於儒行純乎純孝也推仁

錫類莫先親親則有念功繼絕紹開國睿親王豫親

王之封普錫宗室四品頂帶尊賢重道則有懷舊三
先生之詠

乾綱獨握刑賞予奪信若四時迅若雷霆平若衡斗
去已甚而不爲已甚

躬勤萬幾批答章奏不爽晷刻萬里之外若鏡照而
的質

六巡江浙健石塘以捍海濬陶莊以奠河五詣

闕里以及岱嵩五臺省方觀民行慶施惠所至咸悅

歲乙丑庚寅丁酉庚戌乙卯五蠲天下正供丙戌己亥普免漕糧又全豁積逋者一水旱偏禨朝報夕發賑濟復緩之

詔歲不絕書賜帑金不啻鉅億億萬不以逆億而稍屯其膏所以重民天固邦本活貧惻之黎庶如沙如塵不可紀數此則至仁善政

天信民順培元氣於無垠萬世子孫所當法守者也天縱多能執經心闡史要石鼓石經之碣四庫七閣

之弄

御製詩五集文三集之外又成餘集乾苞坤負日光
海湧浩浩乎其無盡藏也建辟雍宴千叟舉鴻博經
學之儒開鄉會文武恩科者十四存閭位以公大統
謚忠義而別貳臣蓋敷文教者禕矣

天錫勇智嘗

親御弧矢二十發而十九中歲獮木蘭服不殫猛蒙
古四十九藩拱觀而震懼再犁伊犁名王扈馬收回

部闢地二萬里黃河之源葱嶺于闐之山皆列疆內
兩平金川靖臺灣歸緬甸朝安南降廓爾喀

武功十全而齊倫甘回楚苗滇池萑符之俘馘不與
焉西洋航海諸國却竒琛而不寶所以昭德威於無
外也五福備臻

親見五代九疇攸敘壽開九如集

列祖創守之大成兼堯舜禹湯文武孔子之勲德帝
王以來未有若斯之盛者也臨御初元默禱於

天曰

仁皇帝享國六十一年予不敢羸

天克如所願必傳位於子勿違初志乾隆六十年乙卯秋九月三日乃宣立儲

詔明年丙辰正月朔旦遂

授璽於藐躬辭不獲允

訓政三年耳提手攜辟呬加膝之恩無以喻也

子臣

日侍

慈顏每以敬

天法

祖勤政愛民四大端爲

誨而以爲人君止於仁二語時存於心行之必本於
誠此三年中常承之

訓

子臣

服膺勿敢失并告之子孫以爲

心傳

家法也凡遇朝會燕饗

子臣

侍坐恭陪親愉

色笑上

壽捧觴

手賜肴饌藹然

父子家人之樂侍從諸臣及外藩陪隸咸目睹傳爲

天家盛事

子臣

方期我

皇父壽邁期頤來雲繞

膝合天下萬國歡心永祝無疆之慶而

聖體康強神明彌健乃自去冬至日後偶染微寒猶

孜孜宵旰

訓政如常今己未正月三日疾大漸猶

手握

子臣

手勤拳眷愛至辰刻竟脫屣

升遐嗚呼痛哉攀髯號弓天裂地震蓋

聖壽八十有九從此予小子何所仰怙哉伊古世及
傳子之帝有如我

祖父之慈者乎繼統受命之君有如予小子受
恩之重者乎予小子其何以報

昊天德繼純亦不已之志以仰慰

在天之靈於萬一也嗚呼痛哉敬卜於是秋九月庚午聖葬

裕陵以

孝賢誠正敦穆仁惠輔大昌聖純皇后

孝儀恭順康裕慈仁翼天毓聖純皇后暨諸母妃祔

謹和淚濡毫拜手稽首而作頌曰惟

天篤

聖萬古一人惟

聖合

天萬善一身於穆

皇考得

天之純貞乎

高哉曷克擬倫生而神哲少長岐嶷

聖祖灼知孫有聖德曰福予盈惟是貽翼

世宗繼志題名殿極嗣

聖握符飛龍在天初政濯濯久道乾乾日新又新八
十九年始終一貫智周聖全

四郊六宗至誠禋格雨暘肅乂欲呼

天尺信

天天順如攜如獲四得無違十全有奭

文謨

武烈丕顯丕承念茲在茲繼繼繩繩長白鴨綠

東

西山陵四孟大裕優氣式憑孝於

慈寧扶掖安膳松鶴怡愉袞龍舞抃頤養豫游孝思
齋奠

古殯播慕推仁錫羨民惟邦本圖易思艱底績河海
鞠謀痼瘵

大資鉅億散金邱山保我赤子甦枯飫孱時巡歲省
達聰明目懲貪察廉六馭在握惟日孜孜以永天祿
執兩用中權衡圭粟

文思天亶萬卷緯經淵源津溯甲乙丙丁五三

御集金石碣銘八音從風北極拱星

大武維揚張我九伐北盪天山西厭月蝓

廟謨神斷審幾在括金川紅毛至於拔達八徵九敘

旣壽且康初服禱

穹繩武不遑

天如從願周甲褰裳簡畀忝德敢不敬養倦勤彌勤
授政訓政嗟予小子神視氣聽乘雲帝鄉攀號無縈

美壻如在曷溫曷清

聖德蕩蕩

神功巍巍於昭在上嗚乎瞻依聖水淙壑靈山翠微
億年安宅鞏我不基

河南衡家樓新建

河神廟碑記

黃河發源崑崙東流入於甘陝出三門底柱之險至
於孟津遂浩浩湯湯以達於海其性挾沙易於壅積
有壅積之害則難免潰決之患本朝百數十年以來
遭水患者屢矣莫不發帑堵築雖用民力即可賑恤
實一舉而數善備舍此豈有良法哉予小子敬承大
業恪守成規嘗恭讀

皇考聖製文云河工關係民命未深知而謬定之庸碌者惟遵旨而謬行之其害可勝言哉煌煌

聖訓實子子孫孫所應遵守歲癸亥九月已逾秋汛方盼安瀾之奏忽驚河臣嵇承志飛章入告河北岸衡家樓汎大河奪溜於十三日衝決隄身數日之間陸續塌寬竟至五百餘丈河流直注大名所屬長垣三州縣遂入山東省抵張秋鎮橫穿運道下匯鹽河由利津入海此實予之不德上干

天和以致大變然徒戰兢失措於事奚益亟命侍郎
那彥寶馳赴工次總辦堵築事宜仍命巡撫馬慧裕
總河稽承志襄辦鳩工集料協濟帑金不下一千萬
兩賑恤難民同時並舉直隸則命藩司瞻柱遍施大
賑山東則命尚書費淳同巡撫鐵保督辦運道安民
諸務幸諸臣協力同心敬勤不懈使民受實惠而少
流離運道疏通而鮮阻滯於十月初三日興工僭辦
晝夜無停感

昊慈垂佑隆冬冰薄全消洹凍人力易施又兼引河得勢計日可藏鉅工河之初決也予心焦急不得善策乃進廷臣詢訪咨諏以收集思廣益之效諸大臣各抒嘉猷入告俱隨時指示遍加採納亦有謂河北徙諉之氣數乃禹治水之故道聽其自流不必堵築予心不以爲是豈有舍數百萬人民田產廬舍付之洪流況七省漕運要道尤爲國家大計若輕議更張是自貽伊戚非至愚者不爲也當更張而不更張固

爲失算若不必更張而妄爲其患更甚治河如聚訟
於茲益信矣河決在衡家樓北岸集夫鳩料築堤埝
開引渠舉茭下埽壘壩刷沙工鉅用繁恐未能必成
自興工後感沐

河神庇護毫無阻滯日有進益北岸施工倍難况大
河全趨非漫溢分溜可比設冬令嚴寒不能興築春
汎漲發盛滿堪虞則合龍必遲漕運有阻所繫綦重
茲於二月下旬費淳鐵保奏報南糧首幫全渡張秋

漫口連檣北上是運道無虞靜俟合龍佳信矣忽於
三月三日驚聞東壩蟄陷三十餘丈恐懼寸枕宵旰
莫釋續據那彥寶等具奏搶護平安引河通暢仍可
望月內合龍夫成敗樞機總由

天眷感懼之誠彌增敬愼之念益切唯俟河復民安
稍贖予咎耳自是遷徙無定又趨西壩諸臣盡力督
辦中旬以後河流漸歸引河至二十二日金門掛纜
進埽斷流亥時合龍全河復歸故道予敬感

天恩深厚

祖

考默佑使百萬生民咸登衽席七省漕運仍歸天庾
皆沐

河神垂庇記云禦災捍患則祀之敬命擇地建廟卜
吉興工春秋致祭庶伸感謝寸誠永慶安瀾波恬軌
順與臣民同沐

鴻慈曷其有極哉夫以五百餘丈之鉅工况值沙浮

地凍之候三冬氣暖不日而成雖稍有蟄陷而旋轉
甚速

上蒼昭格如其上甚可畏也予寅承大寶益疊敬
勤虔惕之懷文不能述謹泐豐碑用紀實事是爲記